

Broj: 03-02-1910/2024
Sarajevo, 10.06.2025. godine

**PARLAMENT FEDERACIJE
BOSNE I HERCEGOVINE**

- Dom naroda
gosp. Tomislav Martinović, predsjedavajući

Vrlo hitno

**PARLAMENT FEDERACIJE
SARAJEVO**

Primljeno: 10-06-2025

Org. jed.	Broj	Priloga	Vrijednost
02	- 02 -	882	125

**PREDMET: Izjašnjenje Vlade Federacije Bosne i Hercegovine o amandmanima na
Prijedlog zakona o izmjenama i dopunama Krivičnog zakona Federacije
Bosne i Hercegovine**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Krivičnog zakona Federacije Bosne i Hercegovine, koje je u Domu naroda Parlamenta Federacije BiH podnijela grupa delegatkinja (2 amandmana)**, a koje je Vlada Federacije Bosne i Hercegovine utvrdila na 213. hitnoj sjednici, održanoj 10.06.2025. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo pravde
gosp. Vedran Škobić, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), nakon razmatranja amandmana na Prijedlog zakona o izmjenama i dopunama Krivičnog zakona Federacije Bosne i Hercegovine, koje je u Domu naroda Parlamenta Federacije BiH podnijela grupa delegatkinja (2 amandmana), Vlada Federacije Bosne i Hercegovine je, na 213. hitnoj sjednici, održanoj 10.06.2025. godine, utvrdila

IZJAŠNJENJE

o amandmanima na Prijedlog zakona o izmjenama i dopunama Krivičnog zakona Federacije Bosne i Hercegovine, koje je podnijela grupa delegatkinja u Domu naroda Parlamenta Federacije BiH

AMANDMAN I

U članu 9. Prijedloga Zakona, u stavu (4), iza riječi: „i organizirane trgovine ljudima“, dodaju se riječi: „krivična djela protiv čovječnosti i međunarodnog prava“.

IZJAŠNJENJE

Amandman se ne prihvata

OBRAZLOŽENJE

Prijedlogom zakona o izmjenama i dopunama Krivičnog zakona Federacije Bosne i Hercegovine vrše se ciljane izmjene i dopune krivičnog zakonodavstva Federacije Bosne i Hercegovine koje se odnose na implementaciju Konvencije Vijeća Evrope o sprječavanju i borbi protiv nasilja nad ženama i nasilja u porodici od 07.04.2011. godine (Istanbulska konvencija) i sa njom povezanih GREVIO preporuka izdanih Bosni i Hercegovini, Konvencije Vijeće Evrope o zaštiti djece od seksualnog iskorištavanja i seksualnog zlostavljanja od 25.10.2007. godine (Lanzarote konvencija), kao i Direktive (EU) 2024/1385 Evropskog parlamenta i Vijeća od 14.05.2024. godine o suzbijanju nasilja prema ženama i nasilja u porodici. Svrha Prijedloga zakona jeste uspostava savremenog i efikasnog sistema krivično – pravne zaštite žrtava najtežih oblika krivičnih djela protiv spolne slobode i morala, te krivičnih djela protiv braka, porodice i mladeži.

Amandman se ne prihvata.

Prijedlogom zakona se tematski ne tretiraju „krivična djela protiv čovječnosti i međunarodnog prava“, te predloženi amandman nije u korelaciji sa predmetom Prijedloga zakona o izmjenama i dopunama Krivičnog zakona Federacije Bosne i Hercegovine. Pored istaknutog, potrebno je imati u vidu da niti Krivičnim zakonom Bosne i Hercegovine („Službeni glasnik BiH“, br. 3/03, 32/03 – ispr., 37/03, 54/04, 61/04, 30/05, 53/06, 55/06,

8/10, 47/14, 22/15, 40/15, 53/18, 46/21, 31/23 i 47/23) nije isključena mogućnost zamjene kazne zatvora u trajanju do jedne godine sa novčanom kaznom i u tom smislu je kaznena politika Federacije Bosne i Hercegovine za ovu vrstu krivičnih djela harmonizirana sa kaznenom politikom na nivou Bosne i Hercegovine.
Slijedom navedenog, amandman se ne prihvata.

AMANDMAN II

U članu 13. Prijedloga Zakona, u stavu (2), iza riječi „organizirane trgovine ljudima“, dodaju se riječi: „krivična djela protiv čovječnosti i međunarodnog prava.“

IZJAŠNJENJE

Amandman se ne prihvata

OBRAZLOŽENJE

Članom 13. Prijedloga zakona o izmjenama i dopunama Krivičnog zakona Federacije Bosne i Hercegovine predložena je dopuna člana 49. Krivičnog zakona Federacije Bosne i Hercegovine kojima su propisana opća pravila za odmjerenja kazne sa novim stavom (2) kojim se određuje da se kod odmjerenja kazne za krivična djela protiv života i tijela, trgovine ljudima i organizirane trgovine ljudima, krivična djela protiv spolne slobode i morala, krivična djela spolnog zlostavljanja i iskorištavanja djeteta i krivična djela protiv braka, porodice i mladeži, ne mogu uzeti kao olakšavajuće okolnosti kultura, običaji, religija, tradicija i takozvana čast.

Amandman se ne prihvata.

Kao što je već istaknuto u obrazloženju uz Amandman I, Prijedlogom zakona se tematski ne tretiraju „krivična djela protiv čovječnosti i međunarodnog prava“, te imajući u vidu da niti ovaj amandman nije u korelaciji sa predmetom Prijedloga zakona o izmjenama i dopunama Krivičnog zakona Federacije Bosne i Hercegovine i još jednom napominjući da je kaznena politika Federacije Bosne i Hercegovine u kontekstu krivičnih djela protiv čovječnosti i međunarodnog prava harmonizirana sa nivoom Bosne i Hercegovine, amandman se ne prihvata.

V. broj: 1000/2025
10.06.2025. godine
Sarajevo



PREMIJER

Nermin Nikšić